

江西彭澤袁梅谷纂緝

石樓縣志

本衙藏板

序

吾友袁子梅谷纂修石
樓之志既成繕爲八帙
都諸志而三其藝文獨
居五甚矣袁子之湛於

文而嗜也夫志猶諸史

無亦惟詳搜核討求得

往昔遺事闡賢人君子

之幽俾信而可傳以不

沒於後世則亦已矣豈

其掇藻撫績而求擅於
英華之場將天下寵其
文而究何得於古之人
與事也然言之不文其
行不遠惡夫所言之事

不能按真肖曲而其人之
始終本末適掩於固
陋畔散之詞天下讀其
文以爲慚後世安所據
而信之古之所稱良史

獨司馬子長絕冠惟其

以曠代之才縱橫上下

古今之林每傳一人吞

吐騁頓曲寫乎事之所

難明假令移其人與事

而屬班范以下諸手爲
之其同不同固未可知

故當時之人物事蹟得

托於子長之文不可謂

非遭逢之獨幸文亦何

累於道哉且其所謂文

原非徒競於詞而以掇

藻撫績爲足以當之也

禹貢一書不遺壤植墳

壚以至篠簜籥篥龜蠃

齒革羽毛之屬罔弗備

具而周官職方所載其

瑣羅織列往往近是皆

無意於文而爲天下後

世能文之士所莫及子

長惟有得於此故辨而

不華質而不俚范蔚宗

乃自謂體大思精誠雄

其文之甚然似著書自

爲文者之言非所例於

左右史之記言動其於
禹貢周職方之意爲間

矣知此意者可與論志
史之文也袁子以名進

士起家文章擅海內來

令石樓起殘救敝澤物

阜民循政次第舉而獨

於文教之興爲三致意

誠念石邑僻在萬山中

曩數被於兵不沐以詩

書禮樂之化民將野健
而逞悍然弗率長上之

教然不使之窮經爲文

庸詎知詩書禮樂爲何

物也故立學課藝朔望

講貫之暇復有事於志

之役今閱所志星野津

梁戶口鄉村風俗之最

瑣細者亦莫不燦然有

文可誦而藝文所載則

又不過表揚忠孝節義
爲百姓疾苦請命期無
失悅安強教之意而已
焉而未嘗徒以文自鳴
則吾所取於袁子之文

者固在此也昔文翁治

蜀日導其俗與文從事

而蜀士習爲之大振今

石士之興起者豈不駸

駸漸澤於雅乎遲之數

十年後行且家絃戶誦

有文行命世之英接踵

繼出炳焉得儕於三代

兩漢之選者知必自袁

子今日始然則學不通

於治信不足爲文故吏

如袁子可與言治士如

袁子可與言文夫志之

文猶諸史也吾請以茲

志之序質諸袁子而繼

不樓縣志
今與之言史

峇

雍正庚戌菊月

賜進士出身翰林院檢討年

家同學第王璠拜題

序

士君子窮視其不守遠視其所爲
不失其守而能有爲者吾聞之矣
失其守而能有爲者吾未之聞也
然有守固能有爲而徃徃始終易
轍前後不侔窮雖有守而達不能
有爲非才不足守不定而失之
此有道不變者之所以不概見也

今於石樓 袁侯見之矣侯古彭

知名士也與余爲文章道義之交

迄今三十餘載竊見其生平甘淡

泊嚴取予重然諾留心當世之務

而慈祥惻怛又其天性然也私心

佩服而效法之已非一日今令石

樓石環邑皆山民貧賦重地僻人

稀無着之積逋至萬數千餘金雖

巧婦豈能做無米之炊侯為石氏
計長久欲使無着之糧有着力請
借牛種以開新荒緩陞科以補舊
欠分年開墾而民力不勞減半催
收而完公亦易扣養廉以副 奏
限勸鄉井以相扶持積逋濟而庭
無敲扑流亡集而民享盈寧上裕
國課下利民生即此一端石氏之食

其福者固無窮矣至於條陳利弊
革除陋規脩城池建倉廩葺學宮
護廟宇立義學以訓生儒嚴考課
以興文教停捐銀入籍之例請均
撥府學之條革樂籍以維風俗留
花布以給孤貧買隙地以葬難民
之枯骨置義田以祭無主之游魂
求豁長餘之賦乞免缺額之一他

如詳窮差工食之不敷准迷失人
民之入籍種種善政更僕難終迨
至百廢既興更念邑志為文獻所
徵自前周侯纂脩歷年七十有餘
散佚無復存者侯乃採舊史訪故
老收拾補輯使山川風土人物井
疆燦然具列誠盛典也夫躬勤勞
冒霜雪履畝稽查揆情度勢使民

踴躍急公此非素留心當世之務
者能之乎惟其甘淡泊斯能捐養
廉之資以辦公惟其嚴取予斯能
革公應之陋以自潔惟其重然諾
斯能取信於

上憲徵信於兆人而爲其所欲爲情
其慈祥惻怛本於天性斯能惓惓
視民如傷爲之計長久而不置夫

達之所爲必視乎窮之所守若侯
該可謂有道不變者矣然非

朝廷知人善任

各憲培養曲成亦安能使有志之士
試牛刀於盤錯紫餅之邑沐化日
之舒長也哉然則侯之得以展其
才奏其績者正以遇

明良在上無掣其肘而後能相與以有

成也余讀石志不禁懼忻鼓舞為
侯慶遭際之隆而弁書於簡末以
告後來治石之君子尚冀其因時
制宜興利除弊亦如侯之爲民計
長久則石民之食福自侯始將不
自侯止也已

雍正十年壬子歲春王正月元
日江寧許春交拜撰

石樓縣志序

郡邑之有志猶國之有

史家之有譜雖小大詳

畧各別其備紀載垂久

遠則一也天下列爲郡

縣如百體効順一邑不
備則全體不異邑乘曷
可少哉夫子刪書斷自
唐虞下迄秦誓千古一
大史書耳周禮小史掌

邦國之志志者記也春
秋所謂周志國語所謂
鄭書孟氏所謂晉乘他
若孔安國九州之志謂
之九邱邱者聚也言九

州之所有土地所生風
氣所宜皆聚此書韓宣
子觀書太史氏曰周禮
盡在魯矣一國之史郎
一國之典禮一邑之志

卽一邑之典禮其重有
如此者然而世之好詳
者鑿畧者缺甚至附會
已意浮而鮮實華而弗
質俚而弗辨劉知幾云

必薰才學識三者之長
始足以任此權奚斯謂
心術正者然後用之可
也一邑者天下之衆其

志寧可忽哉我

國家擴疆開土以道化成
幅幘廣袤唐虞三代未
有若斯之極盛者恭逢
聖天子御極以來日星呈瑞
河岳効靈窮陬僻壤漸

本林縣志
四
序至治靡不戴昇平而
難名大化茲叨

各憲風清弊絕時和年豐
徧徵邑志以記全盛石
雖僻處山隅民風淳樸

猶有陶唐氏之遺意焉
其感之也更速但前遭

闖賊殘燹居民逃竄舊
志已亡順治十五年邑
宰周士章於灰燼之餘

搜殘拾遺纂輯舊志僅
存什一於千百已耳閱
今七十餘年余甫下車
卽欲補纂邑志奈積逋
萬餘逃亡未復撫字爲

艱適值軍需三次旦夕
勤勞無暇寸晷更以樗
櫟庸材不數謬爲增省
今第就所見聞訪故老
搜殘碣拾遺篇實紀其

地之星象山川風土人
物錢穀倉庫城郭學校
鄉村以至古寺殘碑橋
梁邱壘暨創建之時日
仕宦之更替雖一草一

木一菽一粟必驗其土
地所生風氣所宜山川
之鍾毓蹊徑之易嶮靡
不備載已酉季冬全秦
子燮偕邑紳士鄭烟等

閱數月餘徵其文核其
事其實有補於吏治民
生者寧叙勿畧至荒殘
不可稽者寧缺毋濫粵
稽春秋盟密甲戌夏五

已丑之顛曰缺文蓋言
慎也昔司馬遷傳記其
文直其事核不虛美不
隱惡謂之實錄石志敢
云傳記哉但因其地以

備記其事因其俗以實
紀其宜不敢以已意爲
增減古者太史採詩以
觀民風司市納賈以觀
民好惡石小邑猶百體

之髮膚以備毫末採風
不遺之意云爾是爲序
音

雍正八年歲庚戌桂月

賜進士出身知石樓縣事江

右古彭袁學謨撰

石樓縣志卷之首

舊志序

朱之俊

古者王國有採風之典車轍所屆太史陳其詩歌
而獻之於天子以聽黜陟故其風土人物與草木
山川皆付之史官而播諸篇什至今讀齊秦鄭衛
唐陳曹檜之詩其俗尚之貞淫物土之腴瘠瞭然
如視螺文不亂迨郡縣之制興後之作史者往往
取稗官家乘以摭拾其要領使城郭溝洫錢穀兵
農以至薦紳先生之出處孝子節婦之風烈無不

熟悉於胸中而後芟繁就簡恢張濶色以成一代之書甚矣志之有功於史也吾汾爲晉陽之都會山川奇勝人物勤儉尚有陶唐氏之遺而石樓僻處西偏以山爲環衛磽陁之地屢厭兵燹蒞斯土者每艱於保障邑侯周公名籍東吳其文章議論宏博淵渟殆不可窺較丙申夏出宰茲邑邑之士聞其風而慕望其光而敬以親觀於其俗而婚喪飲食皆中節入里門而長幼雍雍然循許度陌而鱗鱗錯比所謂豪駟市猾爲民害者固無不鳥獸

散也。廼公素負著作材，又慮其身撫茲土而不能舉其地之籍，以示後人也。於鳴琴之暇，復搜石之舊志於灰劫之中，以釐訂而增益之。心營手畫，越歲書成，問序於予。予抱疴泉石久矣，何足言闕外事。然吾聞地以人著，人以文彰。通都大郡，廣谷巨川，不得其人以治之，一過焉而墟矣。若夫奇偉非常，魁閣杰出之流，偶一試，詎爲之修明禮樂，移易其風化之所趨，而更表其山川文物以載之。圖冊勒之金石，於不壞則雖窮荒塞徼之鄉，蝸廬黑

子之地亦煥然表著於千萬年之間然則茲邑之
有賴於公者豈淺鮮哉雖然天下事不患於不成
而患於難繼後之君子覽斯志也攷其城堡之何
以繕葺徭役之何以均平權課之何以蠲貸士風
民俗之何以培養尤而效之俾勿壞是公之德澤
汪濊於石民者固百世不朽也順治戊戌中秋

周士章

夫治國邑者始於尚書之禹貢與周禮之職方而
班孟堅因之作漢地理志厥後著述家祖之邑自

爲載郡自爲紀皆命之曰志於以網羅舊聞而徵
信後世甚矣夫著述之難也志者經之裔而史之
翼也識其大則以恢黃圖識其小則以廣青箱譬
之粵鍾鼎函各適其用鶴長鳧短各因其宜不可
誣也禹貢所紀田賦高下赤黎墳墟以至篠簜籥
箛龜魚之細周禮則及於山藪川澤男女畜擾之
粗而班孟堅則又詳於政治風俗奢儉緩急之故
其宗尚雖不同總以備後人之叅稽證引則一也
余一行作令在涪州之石樓邑昔春秋晉獻公封

公子夷吾於此卽所云古屈地也邨在萬山深處
風土涼薄人物鮮少民居陶穴不飾棟宇卽士子
習詩書者亦落落無多人余嘗讀詩至魏之伐檀
有勤之德唐之蟋蟀有儉之德汾郡在唐魏之交
昔爲堯舜禹郊圻而又密邇文王之化其後卜子
夏以孔子高弟退老西河以講明詩教故屈邑諸
士民猶有勤儉遺風文學遺教焉但此地逼近秦
境而城池失陷者三崇正五年與十七年兩失於
闖賊黨羽我

清龍飛之六年復有弄兵潢池之叛逆黃進祿兵燹之餘人民被戮者十之九併官室圖書罔有存留縣志亦化灰燼自余蒞任首爲剔蠹均賦弭盜詰逃修舉鄉約肅清保甲而邑境安堵更爲之平徭減引通行商廣貿易招勸開墾流亡漸次歸土修學課士風俗一爲丕變嗟乎以隻身荒鄙備歷辛艱行事具在不可不謂殫厥心矣然則歷其地而不能舉其籍余之責也但文獻不足而典故一無可稽因爲廣蒐遺編周咨鄉老退食之暇手自裒

輯耳目所及漁網而標列之其間山川之幽奇人
物之俶儻以及司廨寺觀邱墟橋梁草木魚鳥之
細無不筆而存之雖博而未整踈而多漏然而刪
繁就簡舉大畧小譬之入市者不目夫梁稷而目
珍異入廟者不觀夫牲牲而觀禮樂余輯志之意
不其然乎萃羣勝於寸眸臚千載於一朝良匪易
易矣嗟乎作令之苦未有如余者也山城斗大承
凋敝之餘屛勉撫綏拔茶千樹置水一庭馮元淑
馬無芻豆范萊蕪釜中生魚奈之事也若夫鳴琴

堂上栽花滿城余則未遑敬俟後之君子倘後之
覽是書者鑒予一片熱腸不獨山川人物爲之增
價其以奠民生益治道或不無少補云志成爰以
數言弁其首順治十有五年秋七月朔日

姜宗呂

天下無不可爲之事第視其爲之之人何如耳乃
或謂事有可爲必待心與力克副力與時相乘始
獲有濟此皆顧瞻因循之念中之於中決非矯然
自命者之所肯甘焉而止也顧國之事莫大於史

郡邑之事莫大於志蓋繼往開來使上下千百年
間之事蹟人物沿革損益斯如指掌繫史與志之
功是賴迺時與力弗協亦徒付之咨嗟太息無可
如何而已矣此石志之成終有待於今日也石有
志其來已久祇因闖逆發難石首擢之遂燬於明
季之壬申三十年來文獻無徵典籍淪沒以致邑
紀少墮猾者舞文頑者梗法孱懦者疾首而重足
政益以蠹民益以疲被野殘鴻幾無集澤之望矣
江左周侯以丙申歲來牧茲土文章政事卓越倫

表甫下車卽洞情俗如觀火擊猾者振頑者煦濡
孱懦者未葺而皆以完仆以起石毗荷有造矣因
慨邑志久亡考証罔據雖目前瘡痍少甦而一段
拮据弗遑之槩不能舉以示後使後之視今猶今
之視昔將無仍墜顧瞻因循之見與顧

國家方有事於西南軍興旁午供億浩煩督徵之檄
如雨有司苦奔命之不暇且也洗泉浸薪殿屎未
息悲絲繳泣斗箕時艱力絀惟今日爲甚亦奚能
有志竟成也侯曰否否是存乎人寧時與力之足

篤爰毅然以修復為己責公餘蒐羅放失諮諏典
 故研精覃思編輯而纂定之復割俸為剗剔之費
 經年役竣簡而核詳而有要綱舉目張余終卷而
 歎曰茲非未燬之前所稱細簡縹囊哀然成帙者
 乎又非既燬之後所為隨颺逐煇與劫俱灰者乎
 乃一旦舊觀增燉新裁競妍伊誰之能而令茲久
 湮之典煌煌稱盛也堪不朽矣抑更有進者石僻
 踞羣巔之中地界唐魏俗亦兼之且山童水礫盈
 望石田樸而寡文農而不力居業無安土之思謀

生祇旦夕之計今得易流亡爲生聚化鄙僊而雍
容其中補抹調劑之苦衷志中已畧見一斑焉願
繼此而興者引而長之將見規模具存儀型不遠
治日隆而風日易園桃山樞之什庶乎其可以不
詠矣順治戊戌臘日

石樓縣志

纂輯姓氏

鑒定

汾州府知府丙戌進士沈一葵

南崖

福建詔安縣人

纂修

石樓縣知縣甲辰進士袁學謨

梅谷

江西彭澤縣人

校正

石樓營掌印城守守備劉文煥

聖章

陝西榆林州人

石樓縣儒學訓導貢生宋國相

勲宰

寧武府偏關人

石樓營左司把總劉進義

顯德

大同左雲縣人

石樓縣典史陳士俊

熊占

浙江會稽縣人

編輯

國子監

監

生秦燮

協和

浙江慈谿縣人

候選主簿

貢生鄭燭

炳南

本縣崇文坊人

參閱

國子監監

生袁大正

懷義

江西彭澤縣人

歲貢

生鄭煜

燦南

本縣崇文坊人

繕錄

廩

監

生鄭

燈子傳

崇文坊八

廩

膳

生任錫嘏

崇文坊人

許令譽

子揚

崇文坊人

李映書

洛瑞

東莊里人

王

謨禹書

崇文坊人

增

廣

生張

瑀石公

上吳里人

賈存善

崇文坊人

劉月桂

上吳里人

趙世法

行遠

崇文坊人

一附

學

生鄭

韶

九奏

崇文坊人

劉

灝

再素

上吳里人

許令尹

子文

崇文坊人

王

誼

聖品

崇文坊人

莫

醇

留村里人

監刑

儒

童鄭

崇文坊人

孟紹泗

魯澄

上吳里人

趙金壁

雙美

崇文坊人

石樓縣志

凡例十則

一纂緝體式悉照廣輿記條則雖參考不易然仍遵體要或有增減而規制不敢稍違焉

一紀事先統綱領後分條目各列小引以晰志事未逮之意也

一沿革舊置自禹貢周禮職方以及曆代廢興必詳載之存其故實以備後人之考核也

一祠祀合乎祀典者另列一第近今新建者亦宜

增入其餘寺觀舊志所載未敢妄刪故錄而附之俾知所考

一名宦存善可以示勸今特另敘亦表而出之之意也

一人物選舉有片長可錄者則詳註於名下不沒其善也

一忠孝節義乃乾坤之正氣其有已未曾經旌獎者既傳其實宜表其名槩錄以勵風化

一古蹟邱墓仙釋災祥不無附會而多怪誕雖有

所聞寧闕其疑傳信必書以垂久遠

一藝文有關於吏治民生者皆書之至於著作題
咏雖無益於政事然人文亦有不可泯者故特
錄之

一全志村庄坊表風俗土產之類爲舊志所未及
者今臚列而增入焉寧詳無簡以備考稽

石樓縣志

目錄

卷之一

星野

輿圖

沿革建置

疆域

形勝

山川

津梁

城池

公署

附倉廩

積田

學校

祀祠

附義塚

卷之二

典禮

賦役

戶口

稅課

鹽政

里甲

鄉村

寺觀

卷之三

武備

秩官

歷官

名宦

鄉賢

選舉

人物

忠孝

節義

坊表

仙釋

風俗節序

食物土產

古蹟

並墓

祥異

卷之四

藝文

御製
墓記

上諭
政記

祝文
橋記

學記
路記

營記

卷之五

藝文

申詳

卷之六

藝文

詳文

卷之七

藝文

祭文

表文

示諭

看語

碑記

卷之八

藝文

碑記

引

銘

歌

序

詩

跋

石樓縣志卷之一

星野第一

袁學謨

天官家儒者罕習之然天垂象見吉凶聖人象之君子克謹天戒無輕民事無菲厥躬何待方相氏因地因天可以卜休咎也若夫司天所考職在靈臺其又何知焉爲志星野

按周禮保章氏以星土辨九州之地左氏謂臺駘能業其官顓頊封於汾川蓋臺駘汾神實沈參神則汾專屬參矣天文箋註曰參一度可當

二千九百三十二里石邑在汾州西南三百里許之內縱橫推測亦屬參星無疑舊志所云參觜者不過據山河以考之非緣星而紀也今特正石樓爲參野之分

星分參宿圖



參七星形如白虎兩肩雙足三爲心爲忠良孝
謹之子明大則忠臣孝子安一日參伐一日大
辰一日天市一日鈇鉞主斬刈又爲天獄主殺
伐又主權衡所以平理也又主邊城中央三小
星曰伐天之都尉也天官書曰參二星直者是
爲衡石下有三星兌曰伐爲斬刈事中三星爲
中軍正中一星大將旁二星參謀也命名爲參
以此二肩爲左右將軍二足爲前後將軍伐大
將之柄主大司馬九伐之法以正邦國者也屏

二星在玉井南爲屏風所以蔽廁也玉井四星
在參西右下水象也主水泉給厨用玉井東四
星曰軍井行軍之井所以給司徒也廁四星在
屏星東濁主天下病疾其星明人無病天屎一
星在廁南色黃則吉

輿圖第二

袁學謨


粵稽堯親歷以授區禹鑄鼎而象物禹司空畫土
分區蕭相國入關收籍其區之所著由來久矣石
樓之星象疆域城署山川四境悉備舊圖以尺幅
畫一邑之形勢繪者每多淆雜覽者莫知向往是
圖之不可不稍爲分晰茲列各圖於左以裨後之
司土者觀喬木知土地之盛登層巒望

聖世之隆按圖有據則可瞭然於目恍然指掌間耳

爲志輿圖

東北至寧鄉縣砂塘村界四十里 東至孝義縣鳳尾村界七里 東南至瓊州龍神村界五十五里

總圖



北

石樓蘇

交口里

呂厲壇

北壇

雷村里

石羊里

東庄里

東明廟


先農壇

接官亭

屋產泉

至

源村界七里




木界四十五里


西北至寧鄉縣穆家


村界七十里


西至黃河清澗縣界九十里

西南至永和縣穆家溝村界四十里










文



廟

學署

西

東

東

口
城
之
中
之
東
門

東


東


東

東


東

閣





水簾深洞







翠金高峰





屈產靈泉



黃山雲壑







准父流合壁






五
卷
系
二
心
圖
山
疊
霞



東莊秋別







北嶺春遊







飛龍古栢



五
樓
系
上
心
餘
圖
五

河帶束寺





風吹石鼓





月映水塔



五樓系心
卷之一 輿圖



本
村
集
示
一

沿革建置第三

袁學謨

創建之役隨時損益倘以可已之事而必欲創爲之則勞民傷財固不可也若以必不可已之事而已之則因陋就簡無所不至矣石樓諸務廢弛已極不亟爲之整理將誰誘之且歷時綿邈命名不一分合靡常其沿其革或畧或詳乃建乃置或有或無未免放失於史冊見聞之外惟確見案據則綜敘有自今備書之後之考素者洵知非余假借而撓入之也爲志沿革建置

按禹貢冀州之域天文參野地屬屈春秋晉獻
公封公子夷吾卽此漢屬河東曰土軍後魏曰
嶺西曰長壽後周曰臨河隋屬隰州曰吐京曰
石樓唐曰西德州宋曰東和州金曰鎮西州元
復曰石樓仍隸隰明因之萬曆壬子邑令王三
益請與靈石相易始屬汾州府

國朝亦未之改也編戶坊一里三

疆域第四

袁學謨

今一統之盛有分土無分民東西南朔無遠不屆其幅頓廣袤於斯爲極然一邑之守土猶九州十二牧期以保障輔翼王室不以壤地編小而忽諸故月令云固封疆備邊竟完要塞謹關梁此提防整飭之不可緩也爲志疆域而關隘附之

按石邑東西廣一百六十里南北袤一百里

東至本府孝義縣鳳尾村界七十里自鳳尾村起一百三十里到孝義縣

南至直隸隰州羅兒溝村界四十五里自羅兒溝起四十五里到隰州

西至黃河陝西清澗縣賀家畔畔界九十里自賀家畔村起一百到清澗縣

北至本府寧鄉縣龔家塬村界七十里自龔家塬村起一百二十里至寧鄉縣

東南至隰州老龍神村界五十五里自老龍神村起六十里到隰州

西南至隰州屬永和縣趙家溝界四十里自趙

家溝村起五十里到永和縣

西北至寧鄉縣穆家墩村界七十里自穆家墩村起一百里到寧鄉縣

東北至寧鄉縣砂塘村界四十里自砂塘村起一百五十里到寧鄉縣

陸大路四條

東從本縣東庄里起程經故鄉村岔口村子男村圪連村上庄村蒼耳塆村七十里至孝義縣鳳尾村界路由本縣黃雲山過通汾陽鋪遞

南從本縣胡家峪村起程經賈家溝村塌崖村
關頭村四十五里至隰州羅兒溝村界路過關
頭土山

西從本縣王村起程經板橋村老子王村井滿
村石家坪村留村霍家村九十里至陝西清澗
縣賀家畔村路過白家嶺山以黃河爲界

北從本縣孟家塌起程經西衛村賀家塌村馬
村關平底村裴溝村梁家山七十哩至寧鄉縣
奠家塬村路過清水小河

陸小路三條

東從本縣沙窰村崔家庄村曹村羅村紅窰崖
七十里至隰州石口子鎮路過土地壑大山

西南從本縣蕭家塌起程經任家庄瓦舍村河
合村延家溝村九十至永和縣永和關路過漫
灘坪土山

北從本縣三教塌起程經新庄村四十里至寧
鄉縣王家村路經大和尚嶺直抵汾陽界

總路由縣治東北至郡城二百七十里至省城

石棹縣志 卷之一
五百二十里至京師一千六百五十里

永寧關

縣西二十五里西臨黃河路通陝西綏德州清
澗縣明洪武初年置巡檢司今裁

窟龍關

縣東北六十里林深路僻東接本府孝義縣南
連直隸隰州北抵永寧州寧鄉縣其地當四境
盜賊出沒無常實屬險要明洪武初置巡檢司
惜今裁汰應請復設以資巡邏

七平關

縣西北九十里臨黃河峽路通陝西綏德州明
洪武十三年置巡檢司今裁

形勝第五

袁學謨

形者形是邑之險要勝者勝他邦之景致有自然之形必有自然之勝山谿原隰寧無勝勢情形而涵英毓秀由此可以邇本窮源留心採風者題詠紀載所不能已也茲筆之以備後覽未必非遊歷之一助云爾爲志形勝

按石樓左礪黃雲右帶黃河萬山拱峙二水交流無長林大麓以間之第懸崖削壁高下突圪倚土爲城環列雉堞中起孤立惟恃四面皆山

周圍旋繞踞汾西南實爲僻險之區

山川第六

袁學謨

山不在高水不在深雖撮土拳石一壑一勺能分
天地之餘緒亦泰山河海類也况石邑崇峰擁峙
藉爲■玉澗清流堪云奇勝是自鍾靈既久將
來毓秀無窮以俟後驗云爲志山川

石樓山

縣東南六十里水經云蒲水出石樓山是也

翠金山

縣南三里峯巒挺秀林木青葱春夏之間丁香

不有縣志
卷之一
一
茨梅芬芳滿谷邑中舊八景之一

黃雲山

縣東六十里天開石洞生成關隘往來必由嶽
崎危峻風氣寒冽雖暑炎猶有陰森雪後穿嵐
若登瑤臺邑中舊八景之一

牛心崗

縣東六十里與黃雲相連

團圓山

縣西北三十里峯高回雁疊霞光耀五彩成文

山川第六

袁學謨

山不在高水不在深雖撮土拳石一壑一勺能分
天地之餘緒亦泰山河海類也况石邑崇峰擁峙
藉爲■玉澗清流堪云奇勝是自鍾靈既久將
來毓秀無窮以俟後驗云爲志山川

石樓山

縣東南六十里水經云莆水出石樓山是也

翠金山

縣南三里峯巒挺秀林木青葱春夏之間丁香

澗逢冬成水高四丈餘不減玉液浮屠謂三交
映光皎可愛歲歲如常邑中新增四景之一

飛龍山

縣西五十里山峻層巒花柳參差翠栢成林昔
賀道人所植事詳仙釋邑中新增四景之一

石鼓山

縣西三十里在西吳峪塌溝山有平石一形如
琵琶一形如鼓故名之風過有音石擊有聲土

人傳爲仙踪邑中新增四景之一

石羊山

縣東二十里東石羊村一名栝木山上有古廟
此山多栝遙望寂寂就視茂林舊有石羊里村
故名之

屈產泉

縣東南四里從山下石眼瀆瀉清冽可啜春秋
時馬飲產龍駒石上有馬蹄跡晉人屈產之乘
卽此南山有水發源隰州瀑布奔流堪稱奇觀
邑中舊八景之一

不刊集元
卷之一
三
煖泉坡

縣西四十里坡下有川冬夏長流溫煖不冰

溫泉川

縣西五十里煖泉坡下水溫不竭

黃河

縣西九十里由寧鄉地奔流南入永和縣界河
西綏德州清澗縣水賊乘間竊發賊李設守備
把總以防至今花地城等處尚有泲地

百井谷

通考云在石樓今考無稽

津梁第七

袁學謨

周制歲十一月徒杠成十二月輿梁成民不病涉
平政之大端也石邑處深山之中路非孔道無津
可問一帶長溪兩岸曲澗槩不能以石砌橋天雨
暴發時萬壑爭流孰能禦之幸澗立可待淺則可
揭故以木搭橋將寒卽成梁由農事畢可用民力
夏令曰十月成梁此之謂也至於曲徑斜通亦有
駕石長橋舊志遺之今悉備載俾後之君子檢志
而知好義成橋以鼓補砌之意云爲志津梁

石橋

故縣橋

離城四里

曹村橋

離城二十里

殿底峪橋

離城二十里

北板橋

離城十里

瓦舍橋

離城六十里

義牒橋

離城六十里

塌地橋

離城一里

橋頭橋

離城五十里

小蒜橋

離城五十里

喬溝裡橋

離城三十里

曹家坡橋

離城七十里

張家河橋

離城六十里

圪都坪橋

離城七十里

子南橋

離城二十里

仁里橋

離城七十里曹家坡

義和橋

離城八十里曹家坡

積善橋

離城六里
法師村

方便橋

離城七里

河水木橋

東河橋

離城一里

西河橋

離城一里

屈產橋

離城三里

岔溝橋

離城十里

沙窰橋

離城十五里

滴哨橋

離城三里

會通橋

離城一里

王村橋

離城三里

板橋岔橋

離城五里

段庄橋

離城十里

譚庄橋

離城十五里

河橋

離城十里

東西衛河橋

離城十里

賀家塌橋

離城十五里

三教岔橋 離城二十里

戈家岔橋 離城三十里

馬村關橋 離城三十里

平底橋 離城四十里

郭家河橋 離城五十里

裴溝橋 離城六十里

晉家岔橋 離城五十里

田家岔橋 離城六十里

留村橋 離城五十里

城池第八

袁學謙

易曰王公設險以守其國蓋賴城池以衛民而禦
暴也未聞尺土寸水遂謂金湯耶石邑依土爲城
非惟年歲經久失修實因工程浩大無措兼且水
衝日剝逼近

聖廟倉廩民居莫保其危險之狀殆有不可勝言者
於雍正七年曾經通詳

各憲未便請動正項不敢加派民間未及大爲籌
葺只得捐薄俸稍加添築垣堞頗固足資防範顯

後之令斯土者當按時整理毋傷民財可爾爲志
城池

土城一座

創自唐武德二年築明景泰元年縣丞耿祥修

周圍一里九十六步高二丈五尺東南北三門

後增一西門合三里零三十步順治十六年知

縣周士章請改北門及南稍門並建樓以應風

水其東門爲南之外門狹窄頽坍雍正四年知

縣麥士偉改建重新名曰凝瑞止飛樓未蓋也

南門曰來薰北門曰拱極均仍舊名其南門路塌牆頽西門磚塌城圯雍正庚戌年知縣袁學謨通詳修理碍動正項捐俸修建堅固如新題西門額內曰紫霞外曰文澤

沙河二派

卽爲池濠溪水橫流實爲損城之害非堤莫防

堡四座

內

管頭堡

離城二十五里

解家堡

離城三十里

華城堡

離城七十里

南嶺堡

離城六十里在君子里南嶺其堡最高極堅牢不可破

墩二十座

內

二郎墩

離城一里

西嶺墩

離城一里

東莊墩

離城三里

王村墩

離城三里法師圪塔

胡家墩

離城五里

四江墩

離城二十里

晉頭墩

離城二十五里

薛家墩 離城三十里

薛張墩 離城三十五里隰州交界

轉角墩 離城八十里

閻家墩 離城九十里

崖頭墩 離城一百里

下窰墩 離城一百二十里

石樓縣志

卷之二

三

公署第九

哀學謨

自古設官分爵由縣令以及佐雜各有攸司所以重民生勵風教居位一日卽業一日之事豈可徒負虛名糜廩糈而大失民望倘一人向隅閉閣興思四方多壘垂堂自懼徹桑土也綢繆牖戶嚴屋漏求無愧旦明皆署事也敢曰公廨亦傳舍云乎哉爲志公署

按縣署在崇文坊西北明洪武六年知縣顧碩建崇正五年李闖燬燼崇正十年知縣熊時泰

重建不備數椽至順治十三年知縣周士章增修之迄今七十餘年頽圯不堪雍正七年知縣袁學謨捐資加葺牌坊重蓋捲棚增臺階修甬道建二堂馬房無甚華飾稍可壯觀焉

大堂三間

捲棚一楹 雍正七年知縣袁學謨建立

戒石坊一座 雍正七年知縣袁學謨重立

東西六科場各六間

營房二間

皂班房東西各一間

雍正七年知縣袁學謨創建
新植栢樹七株於其側

儀門三間

東西角門各一間

雍正八年知縣袁學謨建

大門一座

豐贍廬磚密一孔

架閣庫

無

儀仗庫

今廢

贊政廳

大堂西今廢

寅賓館

大門南舊圮

石木縣志
卷之一
二
川堂四間

卽二堂明崇正十五年知縣董維璉建
雍正七年知縣袁學謨改建爲川堂

糧櫃庫一間

舊宅門改

外門房二間

銀匠爐房一間

雍正七年知縣袁學謨增修

茶房一間

雍正七年知縣袁學謨建

外宅門一間

雍正六年知縣袁學謨改建

內門房二間

三堂四間

額曰枳栖康熙癸巳年韓貽豐題

西廂房五間

東書房五間

西廊房二間

廚房五間

雍正八年知縣袁學謨新建

耳房一間

西書房二間

西耳房二間

內宅門一座

住宅五間

磚窰一孔

舊置小亭於上一名曰山舫周士章額
爲青來閣下韓貽豐額曰宦海蓬壺

東西廂房各四間

馬廄六間

雍正七年知縣袁學謨建

更房二所

一在北一在南雍正七年知縣袁學謨建

槽門一座

雍正七年知縣袁學謨建

監房八間

監門一座

獄神祠一間

旌善亭

申明亭

典史廳三間

大門一座

班房二間

馬房二間

宅門一座

內廳三間

東西房四間

內宅三間

東廚房三間

不刊縣志 卷之一
四
西廂房三間

陰陽學

醫學

義學

舊址今改建關帝廟雍正六年知縣袁學謨
另設在南寺延師會課蔚然有絃誦之風

僧會司

在永慶寺

道會司

公值所

鄉約所

養濟院

在東門外雍正七年知縣袁學謨建

稅課局 在縣治東門外今廢

惠民藥局

育嬰堂

普濟堂

漏澤園

縣總舖 向未設一切公文僱夫八名遞送謂之解夫

教場 在儒學東

石樓營署

大門三間 康熙三十三年守備馬世英重建

不存
卷之一
五
一軍牢夜役房各一間

儀門牌坊一間

東西角門二間

大堂三間
康熙三十三年守備馬世英重建

六房三間

軍器庫房一間

工樓房三間

東西廂房四間

廚房一間

馬房三間

草房一間

察院公廨

久廢相傳倉廩基卽是

石樓公館

在汾州府汾陽縣八
知縣袁學謨重修
十庵街雍正七年

大門三間

正房三間

東廂房三間

西廂房三間

後房四間

馬房四間

後院東房三間

後院臨街房三間

常平倉

縣治東儒學相連舊有磚窰十一孔瓦房六間斗級房一間新增磚窰五孔大門一間雍正八年又新添瓦房六間俱係知縣袁學謨建

社倉

在先農廟內雍正七年知縣袁學謨立

神倉

藉田

在東門外嶺廟相連東三十三步至劉殿揚地界南三十六步至嶺廣西二十六步至五如王地界北三十六步至官路路南之地一塊東六步南北一十六步東至學田南至學秧蒲地界北至神地界共四畝九分雍正六年知縣袁學謨特置用價二十二兩四錢有契卷存房

學校第十

哀學謨

庠序爲風化所關養士於斯鴻儒碩輔名臣巨卿
皆由此出師嚴提調兵燹以後大有起色羣弟子
朝絃暮歌禮陶樂淑彬彬俊傑三代之遺意也今
逢我

皇上尊師重道先莫隆於學校追封

先聖於五世崇配朱子於十哲亘古未有之異數也
願士子觀聖域之津涯悅禮義之規則必期居家
爲孝友仕國爲忠良丕振頽俗爲

盛朝人傑可耳今而後任教化之責者慎母曰成材
之難而薄作人之意也爲志學校

大成殿五間

康熙二十五年知縣趙鳳集創修雍正六年訓導宋國相捐俸重修

東廡五間

康熙二十八年知縣王許重修

西廡五間

康熙二十八年知縣王許重修

櫺星門三間

德配天地道冠古今坊各一座

戟門三間

康熙三十一年知縣高必遴重修

金聲玉振門各一座

崇聖宮三間康熙五十二年知縣韓貽豐重修

時習齋二間

義路禮門坊一座

名宦祠三間

康熙五十四年知縣韓貽豐創建

鄉賢祠三間

康熙五十四年知縣韓貽豐創建

奎光樓一座

雍正九年知縣袁學謨重建

文昌祠三間

康熙三十五年知縣趙鳳集重修

義學房三間

敬一亭

無

神庫 無

神厨 無

宰牲所 無

明倫堂五間 康熙五十二年知縣韓貽豐創建

進德齋 無

修業齋 無

儒學大門一間

儀門一座

廣文廳三間 康熙二十九年知縣王許重修

學署三間

東西房四間

射圃 與教場並用

射器 無

祭器 載入典禮

學田

東門外與藉田相近計七畝一分東二十三步至武生劉紹宣地爲界南七十八步至官路爲界西一十九步至學田地爲界北七十八步至河爲界

祠祀第十

袁學謨

昔禹菲飲食而致孝乎鬼神蓋言其薄於自奉而所勤者民之事所以致飾者皆

宗廟朝廷之禮且國之大事在祀曰祭神如神在則一知祀典當修無敢或踰也顧郡邑不無異同如

崇聖

先師

先農風雲雷雨山川社稷及

文昌

關帝並三代以至忠孝節義名宦鄉賢邑厲煌煌正
典遵制以崇禮率土皆然此外隨方尚賽酬功報
德不能無異聞晉俗里社叢祠僧廬道院各爲祈
禱之地幸正而不淫恪共祀焉亦或百靈効順安
必非民多益祉耶爲志祠記

文廟

詳學校歲以春秋二仲上丁日燔燎瘞埋崇
聖名宦鄉賢三祠同日祭

先農廟

縣東門外墻後正房三間配房東西各二
間周圍牆垣完固雍正六年知縣袁學謙
建立又於雍正八年袁學謙捐置廟後坡
地一方有契存房歲以仲春亥日祭

文昌祠

儒學東二月
初三日祭

關帝廟

一在南關順治十四年知縣周士章重建
一在北門雍正七年知縣袁學謨新建其

三代祠建在後殿詳見碑文歲以二五八月戊日祭

城隍廟

縣城崇文坊東歲以春秋二仲戊日合壇並祭

八蜡廟

縣城東

土地廟

縣儀門左雍正八年知縣袁學謨建歲以二月初三日祀鄧侯附焉

馬王廟

城內崇文坊東六月二十三日祀

火神廟

縣城南關六月二十三日祀

社稷壇

縣城北歲以春秋二仲戊日祭

風雲雷雨山川壇

縣城南歲以春秋二仲戊日祭

先農壇

縣東郊廟內壇高二尺一寸廣二丈五尺
雍正六年知縣袁學謨立

邑厲壇

縣城北清明七望十朔迎城隍到壇主祭

東嶽廟

東關順治十五年知縣周士章同守備陳
朝用重修

五龍廟

南關二月二日六月六日十月一日祀

玉帝廟

縣治北正月九日祀

上帝廟

一在縣治北一在酉門棲霞菴三月三日
祀

法師廟

縣西南五里王村高峯上歲以七月八日
祀按通志云法師卽薩真人也

三官廟

一在縣治北一在南關市樓

臺駘廟

在翠金山攷金天氏有子曰昧爲元冥師
生駘能導汾水卽參神封昌寧公今廢

晉公子夷吾廟

縣東南四里屈產泉上公子卽惠公也

漢高祖廟

縣西三十里團圓山頭

奉

旨特建忠義孝弟祠

儒學東雍正六年知縣袁學謨立并泐石碑春秋仲戊日祭

奉

旨特建節孝祠

縣治南雍正六年知縣袁學謨立并建牌坊一座春秋仲戊日祭

義塚

縣南三里滴水嶺上計地二畝順治四年原任陝西耀州學正許體心置今久葬無餘地

許令聞續施一畝五分

嬰兒義塚

北門外康熙五十一年本府知府孫阜捐籌十兩置地二十畝有碑存

石木縣志
卷之二
三
饑民難民塚

西門外有遺忠逸節四字石碑一通
雍正八年知縣袁學謨立

按饑民塚生員王化美捐地一畝零甫葬兩月
署內復露明季難民骷髏三百餘首雍正八年
五月十五日知縣袁學謨澤及枯骨遷而附焉
隨捐俸銀五兩邑佐貳陳士俊捐俸一兩紳士
鄭焯等各捐不一置得譚庄里四甲趙長華張
習仁等祖遺平地一十畝爲義塚之祭田 袁
公又另給價銀十兩置地一十畝與 公孫袁
佳祥作永遠祭掃之資其地共計二十畝俱坐

落王村地方分爲四段 第一段計六畝東至
路西至埭畔南至官路北至鄭定地爲界 第
二段計六畝東至路西至路南至鄭定地界北
至河 第三段計四畝東至河西至路南至賀
來許地界北至賀來許地界 第四段路東一
段路西一段東至第一段地界南至官路西至
賀來許地界北至李朝愛地界又于九月二十
四日譚庄里紳士張顯解融等捐置段庄大坪
裡平地二段共七畝糧銀一錢四分東至陳如

金地界西至鄭貴丁地界南至鄭榮丁地界北
至趙廷玉地界石碑灣平地四畝糧銀一錢東
至官路西至鄭丕烈地界南至石畔北至官路
下脚上平地十二畝糧銀三錢東至水渠西至
河南至陳維禮地界北至河以上四至分明前
後共地四十三畝立有碑石詳見碑文公議將
二項地糧二兩四錢二分各里分認外其地着

城隍廟僧官成德世子孫承管收租或自耕種
不得侵蝕將每年所收租粒變價以爲春秋二

祭之用每祭用豕一羊一帛一酒醴菓品照志
孝祠之例務期潔具粢盛請

縣主致祭同城各官與祭分胙仍頒胙於後開
各里紳衿用垂萬世後之君子幸勿任其侵佔
褻棄通詳立案同地契存戶房照例交代永不
致遺廢也故特志之

附列頒胙姓氏

崇文坊 鄭 烱 鄭 燈 鄭 煜

鄭志遴 王化美 王 謨

君子里 梁 梵

上吳里 劉承忠 劉允孝

石羊里 崔 岱

譚庄里 張 顯 解 融 解 炳

陳英猷 田我理 楊貴聲

張習仁 趙長華

東庄里 李映書

曹村里 薛維翰

交口里 張景瑛

西吳里 剛 瓊

崇德里 曹大士

上辛里 任開甲

義牒里 郝貴鼎

留村里 賀來許

鳴贊讀祝生員二名與祭聽撥候用

四合屬

陰陽頭

以上各頒胙肉一觔 吹鼓手各給半觔

本
木
鼎
元

卷
之
一

一